

pour Vautres paroisses ou le saint n'est pas patron,
on en pourrait modifier ainsi le chœur.
Autrou Sant Fiakr hor vignon,
Ni ho ped holl a greiz kalon
Da c'houlou deomp digant Jezus
Santel, maro euzuz. (bis.)

Kantik Sant Fiakr.

Var don : E Sakramant ar Binijen.

DISKAN :

Autrou Sant Fiakr, hor patron,
Ni ho ped holl a greiz kalon,
Da c'houlou ma chomo ar feti.
Bepred stard e parrez Lothey.)

Sant Fiakr hor patron karet
Er zeisved kantved oa ganet.
He dad guir vignon da Zoue
E bro Irland a oa roue.

Ar roue 'lakas he vogel
'Tre daouarn eun eskop santel,
'Vit deski 'n he gompagnunez
Guir lezennou ar zantelez.

Hed holl amzer he yaouankiz
Fiakr oue divlamm e peb giz ;
Mes, evit dont parfetoc'h c'hoaz,
Kuitat ar bed e c'hoanteas.

Euruz ar re a zalc'h bepred
Ho c'halon distag euz ar bed :
S'er int da blijout da Zoue
Ha da gemer guir hent an Ee.

Ar Zant, en eur guitat he vro,
A zeuas da eskopti Mo,
Hag eno, e kreiz eur c'hoat braz,
Evel eun ermit e vevas.

En honor d'ar Verc'hez Vari
E sav eno eur manac'hti,
Gant eun ti all en he gichen
Da reseo an estranjourien.

Daoust ma veve 'n eul lec'h distro
Kalz tud a veze var he dro :
Lod a zeue da glask yec'hed,
Lod all skoueriou a ~~parfeted.~~ *barfeted.*

Sant gallouduz, c'houi a bare
Gouliou ar c'horf hag an ene,
Dre zour ho feunteun beniget,
Ra vezimp eta diboaniet. *v/*

Eur jardin vraz e laboure
Hag ennh, gant bennoz Doue,
Ato e kave peadra
Da roi sikour d'an dud paoura.

Dre al labour hag ar beden,
Ha dre ar rusta pinijen,
Bemde ar Zant a zastume
Meritou kaer evit an Ee.

Eun deiz oue kinniget d'ar Zant
Beza roue var an Irland ;
Guelloc'h e kavas chom kuzet
El lec'h distro hen doa choazet.

Goude eur vue ken santel,
Pa zeuas Doue d'he c'hervel,
He ene leun a veritou
Var ehun a zavas d'an envou.

O Sant Fiakr, pa vimp, d'hon tro,
Skoët ive gant ar maro,
Grit ma helfomp, gant ho skoazel,
Kaout eur maro mad ha santel.